

知本提綱卷十

第十冊

卷十

感應章

理氣變化

分權帥氣

一念遷轉

吉凶反掌

賞罰有主


氣機明驗

天人符應

總結通部

後跋論學

校刊姓氏





知本提綱卷之十終

茂陵楊

岫雙山著

受業鄭世鐸覺一註解

男

生洲子瀛叅註

受業永鉞龍雲從叅閱

晚門人

朱石琪子蘊同校
張士元善長

感應章

帝宰造化鬼神構理氣以成象人分帝權元

靈帥陰陽以著跡

此章明吉凶感應之道以總結通部五本之意也言

造化生成理為準則氣為材料而上帝宰制其中定則用材實為出命之主因而鬼神奉

命。結構理氣。以成造化之象。故吾人降衷受形。身為帝子。即分帝權。亦有定則。用材之能。而元靈一念之起。遂即命鬼神。即陰陽以著事物之跡。以參造化之功也。感應顯

造化之神。吉凶見自主之能。感應本乎帝命。

吉凶生於人念。

感猶發也。應猶從也。承上言理氣成象。陰陽著跡。其要不

越乎吉凶感應之間。蓋上帝造化之神。原無可顯。顯於感應之機。與吾人自主之能。亦無可見。見於吉凶之變遷。良由上帝統御一元。肇建造化。故感應之機。本乎帝命。定以理律。可以鬼神機準自然。無一爽錯。而人即於帝道造化之中。領賦自主之權。故吉凶之變。生於人念。一念帥氣通於天地。聯於倫物。此感彼應。彼感此應。為吉為凶。各從其類。亦無毫

髮之或爽也。○洲按天地之間惟有感應一理。明得感應之理。自知立身之道。蓋帝爲共父。人爲帝子。其權原無二權。故其所帥亦無二氣。帝一念而成造化。人一念而著吉凶。豈有自外至之感應哉。欲明帝人一貫之道。必詳推夫感應之吉凶。欲推吉凶感應之實。必先察乎理氣之變化。又申言帝命著感應。人念生吉凶。貫故欲明帝人一貫之道。必詳推夫感應之吉凶。而欲推吉凶感應之實。尤必先察乎理氣之變化。然後念慮無失。統帥有法。氣順而不逆。斯事吉而不凶也。夫大造立體。溟滓充塞乎寰宇。人物並育。感應相通於

一氣

此下申明理氣變化之實。乃吉凶感應之所以然也。大造立體。即謂五行也。溱

解見首章。充塞猶云充滿也。蓋上帝主宰造化。先立五行之體。以爲備用之料。所以溱

溱元氣。凝象著質。充塞寰宇。以成著體之世

而一氣既分爲五行。五行復合爲一氣。於是

人物乃得並育其中。凡一切吉凶感應之機

即相通於一氣之聯貫而無所少間也。詳見

下文。故一本分萬殊。無一不貫於陰陽。萬殊共

一本。無一不具夫鬼神。

言溱溱充塞。感應相通。止此陰陽之理氣

而陰陽流行。人物生成。實賴鬼神之結構。故

一本剖判。萬殊分布。無一人一物。不貫於陰

陽之中。而萬殊紛繁。一本共聯。即無一人一

物。不具夫鬼神之體。蓋陰陽者。鬼神之魄。鬼

神之中。而萬殊紛繁。一本共聯。即無一人一

物。不具夫鬼神之體。蓋陰陽者。鬼神之魄。鬼

神之中。而萬殊紛繁。一本共聯。即無一人一

神者陰陽之魂鬼神非陰陽不立陰陽非鬼神不化是以陰陽一原鬼神共本帝人帥鬼神以出命鬼神帥陰陽以著跡實屬一貫之道自有相通之妙也試觀宇內

之遷流無非氣機之功用

遷流謂事物之生成消毀變遷周流

而不息也此又承上一本萬殊之言申明宇內一切事物無非氣機變化之功用有以遷流於無窮以起下文和乖順逆之意也

和氣致祥乖氣致殃和

乖均本乎人念順感則吉逆感則凶順逆總

在於自爲

言上帝主宰造化氣機遷流鬼神結構原屬大公之道而往往有祥

殃吉凶之各異者良由吾人念慮之和乖作為之順逆所自致耳蓋人本帝子知靈權能

知本提綱

卷之十

感應章

三

實與帝堯。若或從形縱欲。違命悖道。帝雖能困之以凶殃。終不能強其自主之權。使之和而不乖。順而不逆。正如不孝之子。乖忤百端。父母亦束手無策。不能強其從教。以其有自主之權也。然則吾人受命入世。權能自主。豈可妄爲乖逆之行。以自感凶殃之禍乎。欲致和祥之福。先順五行之氣。欲順五行之氣。先盡五倫之道。五倫盡。則五行序。五行順。則五常克全。五常全。則性形自和。仁和復。則福祥自至。

福祥自至。

五常五行五倫共本之理已詳見明倫章。此又申推其大要。以明福

祥之由來。實能自主也。蓋吾人降衷分性。本具仁和純福之體。因依形從欲。紊則失序。以

致氣逆生變。遂有乖戾之禍。然要其和祥之福。其氣原出於五行。其道必由於五倫。誠能盡五倫以順五行。順五行以全五常。則性形兩體均得其和。而仁和元量既已復還。福祥休嘉自然備至。尚安有乖戾之患乎。蓋帝為氣帥。造化惟在一

命。人乃帝子。權能亦自帥氣。

此下申推五本帥氣之要。以明

感應之大綱也。蓋上帝統御鬼神。肇建造化。實為兩間理氣之總帥。而造化之生成消毀。惟在一命之間。是以吾人之生。均屬帝降之子。鬼神理氣。分體俱備。宜其自性之權能。亦得自帥理氣以成吉凶。而是以受命有尊卑。五本之道。遂出於其中也。因而統帥有等差。尊卑謂君親師性之分。有尊卑之異也。言吾人之生。

雖均有帥氣之權。然而受命各有尊卑。所以
統帥實有等差。卽如大君乃上帝宗子。分權
帥著。凡天地日月人物。一切著形之氣。皆在
統御之中。生殺予奪。等於帝權。親則分大君
保存之權。以帥一家之氣。師則分兩間啓教
之權。以帥一學之氣。性則各分上帝之權。以
帥本天之氣。於是等差旣分。感應不爽。詳察
而吉凶之殊。始各著跡於統屬之中矣。詳察
五本之帥化。乃見各主之權能。此又統申五
各主。卽謂五本。各有自主之權也。言五本之
權。雖有大小不同。實皆一念帥化。吉凶立分。
一加詳察。乃見各主權能。自具感應之神。蓋
如上帝帥一元之氣。以統御造化。凡萬有之
成敗起滅。皆本上帝之一念。吾性帥本天之
氣。以主宰形身。凡一身之榮辱休咎。皆本吾

性之一念。大君帥寰宇之氣。以保存民物。凡
一國之理。亂安危。皆本大君之一念。家長帥
一家之氣。以撫育子姓。凡家道之和乖聚散。
皆本家長之一念。師職帥一學之氣。以化育
生徒。凡學術之邪正是非。皆本師職之一念。
一念方起於各主。吉凶已著於統屬。感應之
機。蓋如此其可畏也。而修悖總由一念。感應
其詳。仍見五帥本章中。修悖總由一念。感應

自著禍福。人念原本於帝念。四本不越乎一

本。

此下又專申人道四本之感應。而仍歸本

性念。以重自主之權也。四本。謂君親師性
也。一本。謂性也。言上帝為五本之始。統御造
化。肇定感應之理。而人道四本。受命帥氣。或
修或悖。總由一念之間。因而為禍為福。自著
感應之神。良由降衷分性。帝人一體。帝一命

而成造化。人卽一念而成吉凶。是人念原本
帝念。乃能統帥理氣。以專自主之能。而生人
之初。帝爲大本。入世之後。性爲人道宰身之
本。君親師者。實又各從性道之內。析分三本
之職。以立人道四本之全。其實君親師範。總
貫於一性。一性共原於一帝。雖名人道四本
究不越乎性念之一本。一念順命歸仁。性卽
也。性念之關重如此。一

帥順氣而化爲福祥。一念逆命棄仁。性卽帥

逆氣而化爲禍殃。一念介在呼吸。吉凶捷如

影響。

承上言人念之起。所以本於帝念。四本

之道。所以貫於一本者。良以感應之權。在造化則主於上帝。在人道則主於自性。原本一體。互相聯通。故人道雖有四本之分。其

實總貫於自性之一念。誠能一念順命歸仁。則福祥不期而自集。若或一念逆命棄仁。則禍殃不召而自至。蓋人念既本帝念。人權卽本帝權。念順則氣亦順。性卽帥其順氣而化。爲福祥。念逆則氣亦逆。性卽帥其逆氣而化。爲禍殃。是其一念環轉。介在呼吸之微。而其吉凶相因。感應至捷。固真有影之隨形。響之應聲者。要皆理律氣例。帝命所定。鬼神依律準例。無論顯善顯惡。賞罰出於至公。卽或有外似善而內實惡。外似惡而內實善者。終亦無有少爽之禍福也。○州按吾人受命入世。原各有自主之權。凡帥國帥家帥學帥形。一切隆替興衰之故。無不由於自性之一念。卽如家長帥家。偶起一不公之念。或偏有愛憎。或私有藏蓄。家衆子姓。刻卽乖違。忿爭離析。仇怨終世不解。甚至骨肉殘傷。蕩棄產業。均

致流離失所之患。又如性主帥形。偶起一不正之念。或誘於賭盜。或染於奸淫。本天理氣。刻卽紊亂狂悖。身陷刑囚。甚或赴湯蹈火。自毀其形。更或流惡滔天。罪至覆滅。要其始皆不過一念之微。其終遂成難解之禍。念慮之起。豈可不慎乎。氣隨念轉而

遷物從氣變而化。同氣相聯。故念起卽通同

類相求。故有感卽應。

同氣。謂帝與人。原屬同氣也。同類。謂人與物。同

受造於五行之理氣也。言福祥禍殃之來。旣皆在於一念之間。是以一念之起。氣隨之而轉。遷物從之而變化。蓋帝與人本同氣相聯。故一念之動。無不相通。人與物亦同類相求。故偶爾之感。無不相應。而要其所以相通而相應者。實仍皆貫於一氣之自然也。豈可不

正念以帥其氣哉。五常一失。遂有反對之害。五倫少

虧。立見消亡之象。大則上千天和。小則變生

身家。

反對謂反其事以相對也。天和。解見帥著章。言人道感應。雖云多端。而其大要

實不越於五常五倫之間。故五常不可一失。失則反對之害。勢有必至。五倫不可少虧。虧則消亡之象。亦所難免。卽如失仁。則本氣爲妖。多有衰乏殘損之患。失禮。則火氣爲妖。多有消毀橫肆之患。失智。則水氣爲妖。多有泛濫流蕩之患。失義。則天氣爲妖。多有離析破敗之患。失信。則土氣爲妖。多有暗昧阻塞之患。又如虧君臣之倫。則自失統帥之氣。多有紊亂敗亡之禍。虧父子之倫。則自伐生生之氣。多有衰微彫零之禍。虧師友之倫。則自喪

輔導之氣。多有昏愚。囿迷之禍。虧兄弟之倫。則自絕手足之氣。多有陵侮。外侵之禍。虧夫婦之倫。則自紊居室之氣。多有乖逆。內變之禍。乃知倫常所關。誠爲甚重。苟一有虧失。患害卽至。大則上干天和。小則變生身家。有感受必應毫髮不爽。吾人可不致謹於倫常之道乎。是以吉凶同原。禍福同門。意念少差。觀感立異。凡耳目之所聞見。與性情之所發露。各以類應於出入。如有種播於前後。苟非至明。莫能詳審。旣昧理而罔識。必禍至而不知。此申推吉凶禍福。惟在反掌之間。以見感應之理。不可不明也。觀以人言。感以已言。謂人觀

其所感也。耳目所聞見。由外而入。性情所發。露由內而出。乃感應之大要也。播猶布也。言倫常爲人道立身之要。而一有虧失。患害卽作。可知吉凶同原而生。禍福同門而出。倘在內之意念。偶有少差。卽在外之觀感。隨時立異。良由福生有基。禍生有胎。外之所入。卽爲內之所出。內之所出。復爲外之所入。各以類應。無一少爽。正如種播於前。而苗生於後。苗種相符。自無舛錯之失。然至理幽深。苟非至明之識。莫能詳審其故。以施轉禍爲福之能。蓋旣已昧理罔識。必致從形縱欲。雖凶禍叠至。終亦不知其所自來也。故雖悖

道之行。亦期榮貴。從欲之謀。企望福祥。念原切於相需。事實處於相左。違命棄仁。紊則逆

氣欲成而反敗。欲得而反失。既似欲入而閉。

門更如欲升而毀階。

此下言昧於感應之理者必自致其禍也。相左

猶云相反也。生人入世盡道者古。從欲者凶。本屬帝命一定之理。若昧理無識。昏迷障蔽。雖身負悖道從欲之咎。乃時懷榮貴福祥之想。而不知其念原相需事實相左。違命棄仁。紊則逆氣。生機阻塞而不流。鬼神乖離而不服。本以求成而反敗。本以求得而反失。即如賭盜奸貪之人。損人自益。害人自利。亦未嘗非榮貴福祥之謀。究竟愈益愈損。愈利愈害。凶殃百端。禍患綿延而無底止。是真猶閉良門而求入。毀階而求升也。不亦惑之甚乎。

由禍福固屬自感賞罰。原出帝君。非謫謀詐。

術而能易命非詳慮周備而能移數也謫不正

誠也承上言違命棄仁之人所以求吉反凶者良由禍福之來固屬自感而賞罰之權原出帝君所以吾人一切得失成敗皆本自性一念之感鬼神官吏即奉帝君之命應以理數之律實非謫謀詐術詳慮周備所能移易其命數也故往往有出人之智蓋世之才思之詳慮之周自謂百世無患然而慮切於此而禍興於彼敗亡終有難免可知禍福賞罰兩間各有主宰而權不由己與其徒爲無惟益之謀慮何若順命全仁之爲可恃乎

聖人深識氣機之變斯明感應之理常慎於無形之時不滯於已成之境躬修盡乎倫常

念慮順乎陰陽。內化私欲之萌。外陶禮樂之
養。故能上符帝衷。而致太和。下福子姓。而澤

後世。

此又言明於感應之理者。必永獲其福也。無形之時。謂意念之方發也。已成之

境。謂禍福之既著也。萌。初生之芽也。此所云陶。猶化也。謂以禮樂化其渣滓也。言兩間賞罰。一氣貫通。而氣必有機。一觸其機。順則順應。逆則逆應。變化原屬無窮。要總不越乎一機之遷流。然惟聖哲之人。始能深識乎此。所以能明乎感應之理。凡一切意念方起之際。謹慎省察。務求有順無逆。以清其源。而不畱滯於禍患已成之境。徒滋追悔之私。於是躬修盡倫常之道。念慮順陰陽之序。內持敬和。以化其私欲。外防暴放。以陶於禮樂。然後生

機流通鬼神協應上符帝衷而致太和天下福
子姓而澤後世乃知氣機之變所關最要而
吾人處心積慮莫不各有身家子姓之
計豈可不加意於順命全仁之道乎斯為

氣機變化之理再察事物徵驗之實

以上詳言氣機

變化之理此下則徵之於事驗之於物以明
氣機變化確有實據再加詳察則感應奧理
自然愈明矣觀夫太虛著象凝氣化質者自無而

之有也地體震動移山改河者由成而復毀

也

之猶往也言氣機至理雖云幽深然誠能
詳察事物舉一例百自見徵驗之實即如

太虛清空本無一物乃忽而堙鬱著象凝氣
化質若雨金雨粟以及木石蟲魚血乳肉線

印本昉

卷之十

感應章

十一

五穀草子之類乃五行錯綜自無化有之証也又如地體本屬堅定忽而震動不寧崩裂突陷改山易河陵谷變遷豈非又爲成而復毀之一証乎卓然之物忽焉

脫迹易乎其形而化者又變素幽之所倏爾

現形從乎其類而散者仍聚卓然者體立質著之意倏爾猶

三忽然也言氣機變化之驗不獨在天地之大也卽如卓然化成之物忽焉脫迹易形若雀變蜃蛭螭變蟬蝦子變蝗腐麥變蝴蝶之類是又變其所化既有見新而不見故之妙至於素平幽寂之所倏爾從類現體若蝗蝻蝦蟆及一切草木蟲魚迅宿遍野之類仍復聚其所散更有見故而不見新之異使非五行氣機醞釀遷流何以變化神奇若此乎

祝由者。移精變氣。欲結者。凝體成質。以上言物理之

驗。此又言人事之徵也。祝由者。巫祝之名。註見事帝章。言天地之太。原本一氣貫通。而人性分權。帥氣自然有感。卽應。卽如祝由之人。純誠專一。移變精氣造化。應念而成。或以已之氣。攻彼之氣。能制毒伏邪。破堅化滯。或凝氣立體。幻形百出。或攝物通神。憑空著象。總不外一念。帥氣之功用也。至於凡人欲想滯結。凝體成形。或鬱爲內癖。往往成石。若男女相慕悅。內結小石人。及舍利子之類。或着爲外物。往往著象。若狂夫思淫。妖女現形。奸夫妄殺。厲鬼殘身之類。雖屬怪異之事。要亦氣機自然。變化於本性一念之間。果何怪異之哉。有是以風雷雨霧之起滅。
此下又申明物理之徵驗也。風雲雨

霧解見首章。言清空之中。風雷雨霧起滅。實屬無端。識得此理。自益知太虛著象。凝氣化質之飛潛動植之成敗。飛潛動植。亦解見首章。言萬物之生。無論與矣。飛潛動植。各有定形。然忽焉而著於有。忽焉而化於無。忽焉而有情化無情。若貞女化石。及鮮咎狗寶之類。忽焉而無情化有情。若木生蟲蜂。草生虻蚊之類。其或成或敗。變化莫測。識得此理。更益知地體震動。移山改河之故矣。和乖妖祥之分數。此下又申明人事之徵驗也。和乖妖祥。所該甚廣。和祥。如五行常平。國家相安。及寒暑宜風雨時。五穀登。人民壽之類。乖妖。如五行不平。晴雨不時。霧迷晦塞。瘟毒流行。以及彗孛現象。兵旱頻仍之類。其或大或小。分數雖有不同。要皆各有召致之由。識得此理。愈益知

人道帥化

之要矣。早勞豐歉之差等。

早勞豐歉已該於和乖妖祥之

內此復特言者以此爲生人尤重之感召也。

無非帝人共貫之感。

均屬間配此氣之化。

此又統申人事物理徵驗之實以明氣機變化

之神也。間配多寡相錯之意也。言人事物理所以生成消毀者無非帝人共貫之感。帝命有賞罰實由人事有順逆而吉凶遂出於其中。然其所以著吉著凶者則又均屬五行間配。聯合一氣多寡錯綜以成變化。正如畫工調色以青黃赤白黑五正色間搭配合或多或寡各按分數以成紫緋絳纁碧綠諸間色之用也。尤察氣有條理。機有脉絡。所以物有良毒。事有吉凶。感異於受

造之始。應殊於成體之後。

此下又推言氣機條理脈絡之異。亦

舉一例百。以明變化之徵驗也。蓋造化雖云一氣。而五行間配多寡錯綜。氣固有條理。機亦有脈絡。所以物有良毒。事有吉凶。條分縷晰。各以類從。良由受造之始。所感既異。自然成體之後。所應必殊。不相假借。不相混淆。肇於人念。定於帝命。而著於氣機。尤宜詳加察驗。方知氣機變化。原有真的之理也。

雷鳴菌生。濕鬱蟄生。化工

同而則料異宜。

此又申推物理不同之驗。以明氣機之各別也。菌。蘑菇也。

蟄。濕生蟲也。化工。謂鬼神爲造化工作之司也。言異感殊應之妙。至爲微細。卽如菌蟄之生。化工雖同。而雷鳴濕鬱。各有異宜之則。望料正不得混而同之。以昧造化之奧機也。

梅嚙津思臭唾液觸情一而愛惡殊施此又申推

人事不同之驗。以明氣機之各別也。梅類杏而味酸臭穢惡也。觸猶感也。言嚙津唾液觸情雖一。而望梅思臭。愛惡殊施。因而津液遂有嚙唾之不同。此又感異於始。應殊於後之一証也。氣機有陰陽薄射之分。感應有遠近遲

速之別。以上特舉茵蠟之生。津液之出。以明氣機之例。此乃統申條理。脈絡不同

之實也。薄侵也。射中也。陽攻陰曰薄。陰攻陽曰射。遠近以地言。遲速以時言也。氣機雖有條理。脈絡之異。而其大要實惟陰陽薄射之分。故有感於陰者。有感於陽者。有陰陽並感而或偏勝不齊者。其感於陰者。陰得陽而後變。故多應於陽。感於陽者。陽得陰而後化。故

多應於陰感於陰陽而偏勝不齊者。又自有參差錯綜之妙。而地之遠近。時之遲速。遂不能無分於其中。蓋陰性發遲而所及者遠。陽性發速而所及者近。乃理律準則。定而不易。誠能詳察薄射之氣機。而感應之奧。斯可類推矣。故上天下地之懸

殊不越乎眉睫。而東海西海之遙遠。惟在於

咫尺。

此下又統申造化人物之感應。總由一氣之聯貫。一機之運化也。懸猶遠也。眉

睫。

解見首章。不言南北者。該於東西之中也。

八寸曰咫。

十寸曰尺。皆至近之意也。言感應

之外。

各具條理。脈絡之別。愈細愈密。愈密愈

準。

雖以上下四方之懸遠。苟有一念之動。氣

機。

卽爲潛符。以著感應之跡。卽如人事感於

下。

天氣卽應於上。天氣感於上。人事卽應於

下。是上天下地之懸殊。既不越乎眉睫之間。又如人事有感於南而應於北者。有感於西而應於東者。是東海西海之遙遠。亦惟在於咫尺之近。良由造化一帝所主。人物一帝所生。其條理脉絡。自皆一帝所定。故念動機發。機發氣變。而鬼神各依理律。以施構運之能。有何感之弗應。彼夫木華於春。而栗芽於室。乎詳見下文。

子母相聯。勢似振谷。沒江釀酒。而隨潮洶湧。

同氣類應。捷如桴鼓。

木即栗樹。華謂生葉也。子謂栗母。即謂其樹也。

振谷。謂空谷相應之聲也。取水曰汲。潮水發之名。應月而興也。洶湧。水漲之貌。桴。謂擊鼓之具也。言造化之道。盡於感應。而其中條理脉絡。實又定而不紊。即如栗之於木。酒之於

知本提綱

卷之四

臧應璋

七

江各渺不相接。然木華於春而栗芽於室。子
從母氣相聯之勢。既似振谷。及江釀酒而隨
潮洶湧。同氣交符。類應之捷。更如桴鼓。由此
類推。可知上下四方之懸遠。原皆貫通無間。
又何疑於吉凶感應之奧乎。○洲按一氣相
感之理。至爲眞的。卽如前代以蜀銅作鐘。置
於宮中。其後銅山西崩。而宮內之鐘。無故自
鳴於東。又如刺癰血於瓠。瓠臨發之日。瓢血
亦自振動。此皆感應之實驗。一
加詳察。自信此理之不誣也。花香開則蝶

至惡臭出。則蠅集。因已之有而召乎彼也。

言感

應之道。一氣潛符。自然無迹。卽如花香不期
粉蝶而粉蝶自至。惡臭不期青蠅而青蠅自
集。不速而來。不約而同。乃因已有之香臭。愧
以召在彼之清濁。而脈絡固井然不紊也。

情生則面赤驚情生則汗泄由內之感而應

於外也

言詳察物理已見氣機脈絡之異而本身性形之間尤為甚著即如愧驚

之情生於內感而面赤汗泄即達於外應此乃性權帥化之妙不必使之而若或使之不必督之而若或督之也推之而飲食相濟陰陽各從其類藥餌相調補泄各得其宜無在不有條理脈絡之別所謂一本分為萬殊萬殊仍歸一本帝道感應之奧豈易窺哉有

感於無形而應於有形者有感於有形而應

於無形者無形者內隱有形者外彰

無形謂念慮之

間也有形謂事為之際也言氣機貫通脈絡相聯未嘗少有間斷之處所以內外隱顯各

和本提綱

卷之五

感應章

七

有感應不爽之理。卽如喜情生則笑。悲情生則淚。怒則色變。恐則溺下之類。是謂感於無形而應於有形也。又如見哀悲則心酸。見爭鬪則心忿。置危險則心悸。遇故舊則心喜之類。是謂感於有形而應於無形也。應於無形故內隱而無迹。應於有形故外彰而有據。是以由近以知遠。由小以知大。自省者察其內。卽知其外。觀人者驗其外。卽卜其內。內外一本。隱顯同符。不益見氣機感應之奧乎。

人氣上千天變。由內氣

捍格乎外氣。天氣下鍾人身。由外氣撥亂乎

內氣。

此又申明帝人交相感應之理也。捍抵

也。格阻也。謂抵當阻隔而不通也。鍾聚也。蓋造化之大人。身之微。似不相關。而天人一氣。內外相應。一有不和。二者俱病。雖欲不

慎豈可得乎。○洲按天人感應之理均有徵驗可據。卽如齊婦含冤三年不雨。鄒衍下獄。六月飛霜。是卽人氣上干天變。內氣之所以捍格外氣也。又如酷暑流金。人則病暍。毒霧迷漫。人則病瘟。之類。是卽天氣下鍾人身。外氣之所以撥亂內氣也。誠能推明此理。自知感應之要矣。彼呼我吸。我呼彼吸。吞吐並無二致。

成功者退。方來者進。迭運惟循一機。藏薰蕕。

於腹滿室皆知。懷奸邪於心。明智早悉。此又申推

氣機聯貫之徵驗。以明吉凶感應實有至理也。迭運謂更迭運化也。薰蕕解見明倫章。師友則中言人皆帝子。性無異性。形無異形。所以互相呼吸。互相吞吐。如魚之在水。惟此一

氣而無有二致。且氣化流行。機無停息。成功者退。方來者進。前過後續。亦惟一機之迭運。而無人已。彼此之間。因是薰蕕之藏。奸邪之懷。皆不能掩。而一則滿室皆知。一則明智早悉。實由人已一氣相貫。一機相符。雖屬隱微。無迹之事。而氣機所至。不言而喻。真有不知其所以然。而然者。可知吉凶感應之理。原非幽深難窺之奧。而欲窮其理。必先詳察氣機徵驗之實。乃能深信而不疑也。一感一應。不外召造兩抵之

分。爲禍爲福。惟有明暗暫久之別。

此又切舉吉凶感應

之實也。召謂召殺。凡人原有可殺之罪。不死於彼。而特召於此。以殺之。是謂自殺。往往正犯。終世不獲。以其無抵罪之理也。造謂造殺。凡人本無死罪。而彼強起殺害之念。往往不

能殺而抵其譴。卽或強殺而抵償。必倍其罪也。兩抵謂前後二人。金有死罪。因假手相殺。以抵其罪也。明暗解見順命章。暫謂著體久。謂元體也。言感應之理。兼該吉凶。然其吉感而吉應者。乃人道之本然。無容詳推。而其凶感而凶應者。實逆命一念自生之害。正不可不切究其由來。而其要則不外於召造兩抵三者之分。此乃理律所在。一定不易。故一切微咎小患。皆可以此類推。而不爽。至於爲禍爲福之報。更惟有明暗暫久之別。良由陰陽薄射各有不同。因而禍福所受。亦有異致。若第知報於明而不知報於暗。第知報於暫而不知報於久。必致身處禍福之中。而終莫測其所由來也。故感應雖神而不神。吉凶雖奇而不奇。福之來。人自生之禍。

之成人自召之。利人者人利之。損人者人損之。福衆者衆共福之。禍衆者衆共禍之。是惟大智者能察其幾而不昧。亦惟至仁者能順

其則而無違。此下復申感應之要。以總結通章之意也。福衆謂功德隆盛。福

及衆人也。禍衆謂流惡滔天。禍及衆人也。言吉凶感應。脉絡相貫。其迹似屬神奇。然憑氣著象。感召有自。降祥降殃。盡人莫外。實乃生人之常道。切勿疑爲神奇。怪幻。難以推明。遂致日臨患害而不悟。蓋福由自生。禍由自召。善惡原本一念。休咎總非外至。試觀利人。人利。損人。人損。彼此互受其施。福衆衆福。禍衆衆禍。祥殃均倍其報。若損人而求利已。禍衆

而求福已。事未有能濟者也。要惟大智之人始克察乎此。幾而無少昧。亦惟至仁之人始克順乎此。則而無少違。乃能有吉無凶。得其常道。福澤之錫自無窮期。夫人莫不欲趨吉而避凶。而顧反其道以相求。所以愈趨而愈遠。愈避而愈凶。蓋亦詳推感應之至道乎。○

洲按吾人入世禍福無非自取。詳考古今典籍所載一切興衰成敗之迹。無一非利人利損人人損福。衆衆福禍。衆衆禍之實驗。特人。不加詳察。遂諉爲命運使然。以致紊則乖氣終莫能偶逃。蓋帝命靡常。不爲賢愚分寬兩間之禍患也。

嚴鬼神執律。惟於順逆判吉凶。順逆無非已

作吉凶。轉於反掌。達乎感應之機。通乎鬼神

之情。其於帝人一貫之道。真有觀日察火之

明。

靡常。猶云無常也。觀日察火。皆謂至明之

意也。蓋上帝以大公之道。統御造化。明命

原屬無常。苟始賢而終愚。卽始福而終禍。若

始愚而終賢。卽始禍而終福。而未嘗定爲賢

者。加寬。愚者加嚴。所以鬼神執律。賞罰亦惟

視其順逆之行。予以應得之吉凶。而金無私

意。於其間。故其或順或逆。一念修悖。無非已

作。斯其爲吉爲凶。一氣運化。轉於反掌。果能

明達感應之機。貫通鬼神之情。自然竭誠昭

事。順命全仁。生享昇平之福。死獲陟降之樂。

其於帝人一貫之道。不

真。有觀日察火之明哉。

知本提綱後跋

上帝著體生人兩間分統首在畫一教化使之盡
道全仁各復原量共享休和夫生人自有
原本之道教化實非外加之數教主講教
使其推理明序務知本分應盡之道以爲
持循之則化主憲化使其觀法習行務修
本分應盡之職以臻無爲之治是以
大君身親垂範於九重臣工燮理襄贊於廟堂

師儒闡發廣布於閭里上下互濟一體相
關因時立法因情矯偏務合生人原本中
正之道自然太平永久而不亂苟教化不
從原本定序立法不因時事人情各由一
節之偏見以施其政治或崇尚游說或廢
棄學術或專務空談或徒事虛文一偏流
弊積重難返初定則治久治必亂良由道
有原本人有定序失本亂序豈能久安長

治試爲詳察往古興衰治亂之跡無一不由學宗偏全修廢之所致也粵稽上古之時金錢之利未興民樸未鑿故憲老不乞言不需詩書文字之教自順

帝命本然之則而羲農唐虞之治所以獨隆於前古厥後金錢利興而民心趨逐之欲亦日生遂有岐途失中之弊故聖人有憂之立法救失設爲詩書文字之教定爲等差制

知不足齋
度之規建學明倫諄切誥誡闡發

上帝降衷生人之原

大君綏猷建極之要指示迪吉逆凶降祥降殃
之理使人知始自中爲卒歸之至道養農
利工節禮和樂之實修矯偏救弊以從本
序躬行實踐以全元仁俾金錢之利悉歸
中正以爲生民交易助修之便始無害於
人心治道以復其熙皞昇平之上理至於

成周教化大行學校廣布其國庠鄉塾之中專立師職推闡至道日以詩書禮樂造士化世遞選拔才儲學從政道德以一風俗以同秉耒橫經家絃戶誦太平之烈實能追美前休是以天下後世稱人才之盛治功之隆必曰唐虞成周而自唐虞以來享國長久亦無有過於成周者然三代以前道隆憲化不徒以講教爲重故周治雖

美未有定序成書可遵以致年遠法湮王
綱不振學校之政不修而師道遂闕因而
周治亦衰金錢之欲復熾功利之習日甚
於是東魯洙泗之間有孔子者出而身任
其責及門諸賢親炙道範故其德行政事
卓然皆有可稱假使得位行道範天下於
正學之中以復唐虞成周之治亦何所難
惜乎生不遇時值列國紛爭之際避地避

言轍環終老加以人情率多重古輕今復
不識其爲聖自不能信用其言於是畏於
匡厄於陳蔡毀於武叔以至伐檀削跡受
譏東門孑然一身四海難容自救不暇豈
復能布道統於天下故其學終廢而不行
孔子旣沒師道不立正學無復講明是以
理欲不並行道衰而利自興金錢之欲愈
熾功利之習益甚自是以降學術蓋有七

變焉而欲蔽理晦原本定序之學一變而
爲縱橫捭闔之學於是游說紛擾變詐紊
政以致興兵構怨禍亂互施爭城則殺人
盈城爭地則殺人盈野殘害併吞歲無寧
日習其術者不過爲一己多得金錢之計
而肝腦塗地者實不知其幾千萬人是乃
學術一偏流弊至此雖有賢哲日以仁義
之道正告天下而亦不能挽其狂瀾之失

誠以教化施於承平自能正民情而導民
善若當此紛爭潰亂之際教化雖詳勢不
暇聽卽有聽者亦不及行所以告語諄切
終無少補於時也越及嬴秦併六國統壹
寰宇使當時復修先王原本正學以化天
下何難臻於上治乃惟知深厭摺闔之學
有紛擾之患不辨是非邪正概棄其學不
復建立更復焚書坑儒禁制挾書廢盡道

德純尙法令強制生人之欲遂致人心愚
昧釀爲亂階所以一倡百應數歲而亡是
其失學無師之弊又昭然可見也迨西漢
之興鑒秦氏無學之失於是設爲力田孝
弟之學以風動天下其在東都則復化力
田孝弟之學爲節義之學吏治民俗並爲
近古然亦止知有中爲之道而不講始卒
之理終不能勝其金錢功利之欲故四百

年閒兩致衰亂之禍及詳其禍亂所自總
由人忘畏望之誠盡從形欲之私惟知金
錢功利之重而不計身後之歸宿所以積
久生亂各求遂其私已之欲兩晉繼起復
鄙漢學爲平實而無深致遂化節義之學
爲清談之學因而廢弛政事迂踈寡效馴
致五季之分裂而禍亂復作延至有唐復
化清談之學爲詩學寓政教於聲韻之中

吏治之美比於兩漢然而學失原本趨向
不得其正從形之私積久自發而利欲終
不能息所以年僅三百再致五季分裂之
患宋代肇興懲詩學之失流於辭章而無
實用一時開創君相卽以讀書相尙遂復
化詩學爲理學理學明而治道大昌人才
迭出以臻唐虞成周之治抑又何難惜乎
生人之情多貴耳而賤目形欲之私多以

順心爲賢智逆心爲妖妄凡理學之言從
理不從欲自然違逆私心齟齬不合因而
其指爲奸黨羣誣爲僞學擯斥禁錮畢世
不用所以屢阨狂言旣揚復抑終致邪正
不辨是非不分使理學之道明於宋而仍
晦於宋良可慨也更兼唐宋以來復加用
銀之利其利愈便而趨逐之習亦愈工於
是人心貪得之欲乃愈有不可明言者故

宋祚之衰亦三百年而終要皆起於形欲
之私功利之念而豈別有他弊哉元明相
承徒用其文辭之跡未克實行其道所以
享國均無長久之祚而明季之失尤在於
魏奸之廢學當其時雖無始卒之敎而師
儒士君子猶時以忠孝廉節之道覺悟生
民故書院講壇布滿天下百中化其十十
中化其一錯雜相處牽制漸摩尚知綱常

倫理重義輕利而不至於亂及魏奸擅權
鹿馬由已在朝正士盡遭斥戮復慮師儒
清議明析是非於是悉誣以訕上謗政之
罪一網打盡使一時顧高鄒馮及東林諸
君子顛沛流離身家不保遂令生民之衆
視學如陷阱因皆鉗口不言義理無復講
明式範繩持之制盡絕於民間數年之內
愚頑縱弛形欲日肆功利積習愈益熾烈

人心瓦解而國勢不可復爲矣蓋自嬴秦
焚坑宋代禁錮以來至此又爲講學之一
大厄也嗚呼道必講而後明人貴學而後
善講學之要正所以修明倫常忠孝之道
豈有反以訕上謗政爲學者乎故講學惟
恐不廣聽講惟恐不衆若舉世講學則心
有正向身有所事自不流爲奸匪之行是
以學得其全則久理學得其偏則暫治學

興則天下安學廢則天下危試觀往古一切橫肆乖紊之禍從未有起於講學立德之儒而一切變亂改更之患亦未有不起於棄儒絕學之世講學之深有關於國家元氣者不誠彰明較著哉假令講學論道果妨治理東林諸君子果非正士當魏奸擯斥禁絕之後宜乎明治日隆遠軼周祚何以反致流寇猖獗速取亂亡形欲之縱

日恣於廢學之後殘殺之慘無過於明季
之年是明祚之絕不絕於流寇煽亂之時
而實絕於魏奸滅學之日士君子論治至
此未嘗不三復悼嘆也乃後世議者每言
世道之興衰治亂實有天數非關人事故
治極則人心自然思亂亂極則人心自然
思治猶如寒暑相循晝夜相因乃陰陽往
復一定之機教化雖善亦安能違天數而

使其久安長治乎此殆非明道之言也夫

上帝降衷生人授命

大君統理保存無非使人安享休和各全元仁

同陟

闕庭之至意豈復有意定爲治亂循環之機使
之相殘相害時罹逆悖橫肆之禍乎卽如
父母生子嗣續原望其相親相愛共樂雍
睦豈有復願子孫有互相殘害亡身敗家

知不足齋
之患乎蓋治亂循環之故實由原本正學
不明生人失道利欲日重倫常日輕自然
相殘相害上干

帝怒因而有易祚改革之變若能詳教以推本明
序之道使知生有自來自知性通

帝衷形聯

君治凜凜洞矚兩閒莫逃吉凶禍福賞罰有主
自然知畏起敬不敢妄從形欲之私知中

有自爲自知生人分性依形各有八世之
職在於修業盡倫以爲歸
闕復命之階且知卒有自歸自知形有從化性
無毀滅盡職全仁則有復命

闕庭永享元福之樂廢職棄仁則有欲囿性困
錮蔽莫釋之苦自然知望生愛進修之功
愈不能已知斯三者然後生人原本之道
全備無遺於是趨向畫一無復岐出流弊

之害若使家戶修明此道自然畏望互生
躬行弗懈求治之不暇豈有治極思亂之
理果能教成俗美自然世躋太和

帝恩眷錫享國必無紀極至於治極思亂之說弊
由承平日久居安忘危以至上下失道民
不堪命故有思亂肆欲之謀若謂治亂原
有定數如寒暑晝夜之循環何以成周享
年八百嬴秦二世而亡修短迴別如此乎

又如遠外諸國往往有治功之美安享休
和歷數千年而不移其祚者豈彼處無循
環之數乎良以生人至道惟有三序之理
一有缺失則治道不成故有始卒之理而
無中爲之功必涉於空虛無實廢棄倫業
而不治有中爲之功而無始卒之理必至
人忘畏敬望愛之誠失所趨向雖有善政
美治而上立一法下生一弊營利之私終

不能已則禍亂之作自不能止試觀明有
天下歷鑒秦漢唐宋之失封建與郡邑並
行思患豫防立政未嘗不善立法未嘗不
嚴但有中爲之功而無始卒之理流弊日
久功利愈甚銀錢之欲上下同貪以致盜
賊蜂起劫擄橫肆秦豫諸省幾於無民而
國祚遂息欣惟

天命

聖朝誕膺景運我

太祖高皇帝秉文武聖神之資剪除羣凶奠安寰

宇拯生民於水火之中置赤子於衽席之

上

列聖相承純德化世萬民復享郅隆之休欽惟我
皇上繼承大統身親憲化顯示三序至道又復
詔下學宮令屏去科名聲利之積習以志聖賢
爲己之實學大哉

聖訓切中千古積弊提醒生民聾聵真三代以
後所未有也於是道化翔洽文運休隆和
氣致祥賢哲蔚起我

夫子楊子生於草野之中不由師傳默悟
至道學推本原識徹造化仰體我

皇上垂示生人三序學崇爲己之至意思欲

輔

聖教以資廣布因推明生人定序著爲訓蒙循

序專書分立五帥條析一十四章括盡生
人至道詳悉造化源流列爲十卷祕而未
發鐸生質庸陋胸無超識每見後世於

帝性理氣鬼神之旨多有影響模糊之見往往混
淆不明因有人與物類生死同盡飄若風
火之說竊思人性超出羣類知靈權能無
物爲匹其始必有自來其卒必有自歸豈
有反與鳥獸草木同一朽滅之理果如此

說是謂人物無分泛生泛死造化無主宰
之

帝生人無不朽之我

鐸

時以此說切身察驗深有

不甘朽滅之想因而嘗懷無我之憂故每

一言念及此如芒刺背中心慌惑悶亂以

至泯然汗下欲質之先聖旣已年遠而無

可稽及觀夫歷來名公士君子又往往有

年至老暮舍儒道而習禪修仙者

鐸

復求

之仙釋知其盡係人爲矯揉不符造化本
然之則益非生人通行之道亦不敢信不
得不諉至理奧深非中質所能窺測雖有
求訪之慇終未嘗一遇其人延至戊午之
歲始聞茂陵有楊子者理窮造化學達
兩閒鐸特往謁之叩其所學惟謂造化生
人原有其本苟知其本則事物條晰燎若
指掌而不紊至於知本之要首在推明生

人始中卒三序之理明序之實尤在詳究

帝性

人思其本其本明事也其本明則

君親師五帥之化知此五帥之化則生人之道
備盡於此凡小而修身齊家大而治國平
天下以及修業盡倫全仁復命之功皆括
其中矣余嘗詳閱典籍見其皆言大學之
務惟少一訓蒙循序專書凡年在冲幼卽
使驟讀大學之書豈能遽窺其蘊奧且辭

意淵深凡上智明悟之資用積久之功始
能深索有得至於中質之人往往有科名
不遂畏其困究難悟因棄書歸農不復講
讀每至終世無識余雖跼伏草莽身受我
朝涵育保存之恩顯承我

皇上垂示三序至道之意安忍中懷一得默默
無一發明使閤閤閨閤不得盡聞至道之
要是以嘗將生人三序之理演爲知本提

綱一書以爲訓蒙課幼之先資今授子讀
之自見生人本序之實於是領受而歸俯
而讀仰而思始而異繼而平久叅如發覆
而獲重寶方知生人自有三序正道何假
外務旁求始信吾人本具不朽之靈而強
使泯滅自然不肯甘心毀棄不得不作習
禪修仙之想然後無我之憂渙然氷釋而
昔之刺背汗下者不復再發矣因是盡剪

陋習舊見從學於先生據理講解逐條

開示雖以鐸之庸愚自幸茅塞頓闢前疑

盡豁親炙六載得知通部梗概其要統於

五帥之化其詳備於分屬之章皆闡前聖

未發之奧祕啟混沌未鑿之元氣理推一

本道全三序誠生人之真的立身之標準

也講讀既久不覺舉手稱慶我

皇上以三序至道身教於九重之上我

夫子此書推廣發明弼輔

聖教遍化於閭閻之中使明畏知敬明望知愛

有定序可守有持循可行深知銀錢爲助

修明道立功永享元福之資自然倫常道

德之念日重銀錢功利之欲日輕父子自

相慈孝兄弟自相敦睦夫婦自相和諧朋

友自相廉讓士安於庠序農安於耕織兵

安於部伍商安於市肆賭盜自斂跡奸淫

自草心不需法令之繁永臻上理之治所
謂生人三序全備之理無復岐塗流偏之
失此乃我

聖朝億萬斯年太平無弊之至道也我

夫子詳益求詳不以

釋

爲愚不肖復命以

註解之責曰此書本文惟提大綱而其細
目精要全在註釋然必一時並成始克盡
合本文之意今遍察諸生惟爾爲能爾其

勉之由是愈加精研五易寒暑每章脫稿
必面請裁正許可而後止十草而後竣益
知我

夫子之道如泰岱崇高不可驟登如淵海
無涯難測其際上窮造化之機中發人極
之旨下究物理之樞鉅則彌綸無外細則
毫釐不遺開拓萬古之心胸洗出生人之
本面雖至道幽深總汗牛充棟終有難罄

之藏而大綱具備誠引伸觸類自有旁通
之致故其辭之顯切透闢卽童稚婦女皆
能耳領心會而其意之含蓄渾穆若非深
思超悟亦不能驟得其精蘊一氣序成圖
圖全體洞達醒快深有裨於世道人心鐸
生質庸愚承乏註釋幸親炙提命究未闡
發一二願我同人大其胸懷勿拘舊聞小
其心志勿執已見次第觀省反覆玩味自

知不足齋
見至道精微始不負我

夫子闡發

聖天子垂示三序至道之深意也

皆

乾隆十二年丁卯秋分日受業門人長安

鄭世鐸謹頓首拜跋於崇本齋中



附列校刊門人姓氏

張思慎

周毓岱

王鴻道

張廷廕

張奇珍

朱文煥

張乘雲

劉福昭

鄭紀

侯宗福

賈世功

任良相

張士林

張雲騰

王永

高登嶼

謝士林

謝雲龍

王

永

高登輝

馮

謝崇猷

賈世也

封其昧

謝奇

宋文獻

謝秉雲

陳顯祖

謝思勤

周禮

王

謝

謝氏門人故

